



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Quartum

**González Téllez, Emanuel  
Francofurti Ad Moenum, 1690**

Caput XVII. Lucius III. (a) Rapulensi Episcopo.

---

[urn:nbn:de:hbz:466:1-74533](#)

sponsalia de futuro per matrimonium de praesenti; peccat tamen sic contrahens, quia qui Petro centum debet, quamvis Deo mille solvat, non satisfacit Petro; & ita qui juravit cum muliere contrahere matrimonium, cum illi debitor sit, non satisfacit religionem ingrediendo, licet perfectior sit religionis status; quia contrahere matrimonium est in obligatione, religionem vero ingredi in voluntate. Sed haec etiam interpretatio convincitur ex eo; nam si ab sponsalibus, etiam juramento firmatis, licet resilire ex justa causa, ut supra probavi cap. 2, etiam ob ingressum religionis licet ab sponsalibus discedere; cum etiam matrimonium ratum justè dissolvatur per ingressum religionis, cap. ex publico, de convers. conjug.

## CAPUT XVII.

Lucius III. (a) Rapulensi Episcopo.

**R**EQUISIVIT à nobis tua fraternitas, quâ censurâ compelli debeat mulier, quæ jurandi religione neglectâ nubere renuit cui se nuptoram interposito (b) juramento firmavit? Quæstisti etiam, utrum ea, cuius (c) vir matris totum polluit, ad alia vota, cum mater fieri desideret, viro possit vivente transire. Ad quæ tibi breviter duximus respondendum, quod mulier, quæ se nuptoram juravit, cum libera debeant esse de jure matrimonia, (d) monenda est potius, quâm cogenda, maximè cum coactiones difficiles soleant exitus frequenter. Illa sanè, cuius vir cum matre adulterium & incestum commisit, nec viro suo conjungi carnaliter, nec co vivente cum alio matrimonium inire debebit.

## NOTÆ.

x. (a) **R**apulensi.] Ita etiam legitur in prima collectione, sub hoc titul. cap. 12. in cuius notis Antonius Augustinus reponit Crapulensi: Cujacius hic, retinet Rapulensi, & assertit esse Ecclesiam Cathedralem in Apulia. Sed certe talis Ecclesia non extat in geographia sacra, edita à Carolo à Sancto Paulo; nec inter Ecclesias, quarum seriem refert Ughellius in Italia sacra: quare credo legendum esse, Ravellensi; Ravello enim est urbs Italiz, ut post Carolum Sigoniu[m] refert Ughellius tom. 1. Italia, part. 2. fol. 98. habet Ecclesiam Cathedralem B. Virginis Assumptioni dicatam, cuius Præfuli Constantino dicta missa est præsens Decretalis.

z. (b) **I**nterposito juramento.] Ut plerumque fieri contingit, capite 2. 4. & 5. & passim hoc titulo, & tit. sequenti, cap. si quis despontam 27. queat. 2. Ut quemadmodum aliae pactiones firmantur juramento, l. iusjurandum, ff. de operis libert. capite cum contingat, de jurejurand. ita etiam & sponsalia; cuius juramenti in spon-

salibus adducti exemplum extat apud Ovidium Epistola 18. De Aconio, qui cum ob generis imparitatem non auderet in uxorem petere Cydippe, cuius amore tenebatur captus, illam commentus est fraudem, ut ab ea juramentum nuptiarum extorqueret, scripsitque in pomō versus hos, vel similes:

*Tu ro tibi sanè per mystica sacra Diane,  
Me tibi venturam comitem, sponsamque futuram:*

*Quod cum fecisset, agnovid fidem conjugii indissolubilem dedisse his sequentibus versibus.*

*Conjgium, paciamque fidem, non criminis posco;*

*Debitus ut conjunx, non ut adulterio amo.*

*Verba licet repetas, quo demptus ab arbore fatus*

*Perrulit ad castas, me jaciente manus:*

*Invenies illic ad te jura esse quod opto,*

*Ni ribi cum verbis excidit illa fides.*

(c) **V**ir matris torum polluit.] Hanc secundam partem omisit Raymundus, & eam disputabimus in cap. 1. de eo, qui cognovit consanguin.

(d) **M**onenda est.] Hæc verba & textum expolui in cap. 2. hoc titulo.

## CAPUT